

# SETEMBIA

- 1 miercus
- 2 joibe
- 3 vinars
- 4 sabide
- 5 domenie
- 6 lunis
- 7 martars
- 8 miercus
- 9 joibe
- 10 vinars
- 11 sabide *1028 l'imperadôr Conrât al permet al Patriarcje di bati monede: i bêçs di arint*
- 12 domenie
- 13 lunis
- 14 martars
- 15 miercus
- 16 joibe
- 17 vinars
- 18 sabide
- 19 domenie
- 20 lunis
- 21 martars
- 22 miercus
- 23 joibe
- 24 vinars
- 25 sabide
- 26 domenie *Zornade Europeane des Lenghis*
- 27 lunis
- 28 martars *1334 Bertrant di St. Geniès al devente Patriarcje di Aquilee*
- 29 miercus
- 30 joibe

## LA NESTRE STORIE BATI MONEDE

Te nestre storie a son stâts moments dulà che o vin vude une nestre monede, i bêçs di arint: sot dal patriarcjât di Aquilee, e tal 1977. Tal prin câs, il dirit di bati monede al fo dât dal imperadôr Conrât II "Il Salic" al patriarcje Wolfgang di Treffen "Popon" (patriarcje dal 1019 al 1042).



bêçs patriarcjâi

Tal secont câs, il dirit si lu è cjapât di bessôl un grup di int che i tignive a fâ resurî il Friûl daspò dal taramot. Tal '77 si cugnavin i bêçs di 100 e 200 francs sul model di chei stampâts dai privâts e in sostituzion des monedis che no si cjatavin. Chescj bêçs a jerin une vore cirûts par fâ il daûr dai orlois: il metal al valeve plui dal lôr valôr nominâl. Cun di plui a vevin un valôr simbolic, a jerin un sproc ideâl pe ricostruzion ancje morâl dal Friûl.



recto 100 e 200 francs furlans

## LIS ALTRIS LENGHIS DE EUROPE SART/SARDO



Bandiere de Region Autonome de Sardegna

Ancje il Sart al è une lenghe romanze, al è considerât la lenghe plui carateristiche e conservative dai idiomis neolatins. Si lu fevele in Italie te Region Autonome de Sardegna. Tant che il Furlan, ancje il Sart al à plui variantis, par solit si lu divît in doi grups:chel Logudorês e chel Campidanês. Secui indaûr al fo ancje lenghe amministrative: tal secul XIV e fo promulgade la "Carta de Logu", il codîç des leçs dal stât sart di Arborea. Une opare impuartante pal dirit in gjenêral, scrite par Sart fûr par fûr. La crisi de lenghe sarde e scomençà tal 1700 soredut daspò de rivade dai Savoia, che a volevin unî dut il teritori ancje di un pont di viste linguistic, e a tacarin a imponi il talian tant che uniche lenghe.

Numars: 1.300.000 sù par jù lu felein, uns 1.500.000 lu capissin.

[it.wikipedia.org/wiki/Lingua\\_sarda](http://it.wikipedia.org/wiki/Lingua_sarda)  
[www.tempusnostru.it/noas\\_raighina.page](http://www.tempusnostru.it/noas_raighina.page)

finzas s'ainu hat sa  
virtude sue

(ancje il mus al à lis sôs cualitâts)

